



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2013. GODINU LISTE ZA BUGOJNO

Broj: 03-07-6-360/14
Sarajevo, 31.03.2015. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE REVIZIJE	5
5.1. NALAZI.....	5
5.2. PREPORUKE	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Liste za Bugojno za 2013. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2013. godinu, utvrđeno je da je Lista za Bugojno prekršila odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja Liste za Bugojno, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Liste za Bugojno za 2013. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Lista za Bugojno se finansirala iz sljedećih izvora:

Red. br.	Vrsta prihoda	Iznos u KM	Učešće u uk. prih. %
1	Članarina	0,00	0,00%
2	Prilozi fizičkih lica (3-a)	84,52	0,43%
3	Prilozi pravnih lica (3-b)	0,00	0,00%
4	Prihodi od imovine (3-c)	0,00	0,00%
5	Prihodi od pr.lica (3-d)	0,00	0,00%
6	Prihodi od poklona (3-e)	0,00	0,00%
7	Prihodi iz budžeta (3-f)	19.600,00	99,57%
8	Prihodi od propagande (3-g)	0,00	0,00%
9	Ostali prihodi	0,00	0,00%
I	Ukupni prihodi	19.684,52	100,00%
II	Kreditno zaduženje kod banaka	0,00	0,00%
Izvori finansiranja (I+II)		19.684,52	100,00%

U godišnjem finansijskom izvještaju stranka je iskazala rashode u ukupnom iznosu od 7.891,07 KM.

2. PREDSTAVLJANJE POLITIČKE STRANKE

Naziv političke stranke: Lista za Bugojno.

Lista za Bugojno upisana je u registar političkih organizacija kod Općinskog suda u Travniku, rješenjem broj: 051-0-F1-12-000003 od 23.05.2012. godine.

Sjedište stranke je u Bugojnu, Nugle II bb.

Lica ovlaštena za zastupanje stranke su: Nihad Ćurić, predsjednik, Amir Basari, predsjednik Skupštine, Emir Muftić, zamjenik predsjednika i Besim Cetin, sekretar.

Lice ovlašteno za podnošenje finansijskih izvještaja za 2013. godinu je Nihad Ćurić.

Prema podacima iz godišnjeg finansijskog izvještaja za 2013. godinu, Lista za Bugojno nema niže nivo organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Liste za Bugojno za 2013. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Liste za Bugojno obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju izvršila je reviziju finansijskih izvještaja Liste za Bugojno za 2012. godinu, nakon čega je izdat Izvještaj o reviziji sa mišljenjem revizora, nalazima revizije i preporukama stranci da u finansijskim izvještajima iskazuje i prijavljuje donacije, da vodi tačne i potpune evidencije o svojim prihodima i rashodima, da finansijske izvještaje podnosi u formi propisanoj Pravilnikom o godišnjim finansijskim izvještajima političkih stranaka i u rokovima propisanim Zakonom o finansiranju političkih stranaka i Izbornim zakonom BiH, kao i da uspostavi adekvatne knjigovodstvene evidencije, odnosno da vodi poslovne knjige u skladu sa Zakonom o računovodstvu i reviziji Federacije BiH i da ustroji upravljanje gotovinom putem blagajne.

Nerealizovane preporuke:

Na osnovu uočenih nedostataka u godišnjem finansijskom izvještaju za 2013. godinu, utvrđeno je da Lista za Bugojno nije ispoštovala ranije date preporuke.

5. NALAZI I PREPORUKE REVIZIJE

5.1. NALAZI

Lista za Bugojno prekršila je odredbe člana 11. i člana 12. stav (1) i stav (3) Zakona o finansiranju političkih stranaka.

Na osnovu obavljenog pregleda, utvrđeno je da Lista za Bugojno u poslovnim knjigama nije evidentirala sve rashode, obaveze i promet ostvaren putem blagajne, niti je obrasce godišnjeg finansijskog izvještaja za 2013. godinu popunila u skladu sa Pravilnikom o godišnjim finansijskim izvještajima političkih stranaka, čime su prekršene odredbe člana 11. i člana 12. stav (1) i stav (3) Zakona o finansiranju političkih stranaka. Pregledom je, takođe, utvrđeno da Lista za Bugojno nije vodila blagajničke evidencije, odnosno nije gotovinske isplate i uplate pratila kroz dnevnik blagajne.

(1) Lista za Bugojno nije u skladu sa poreskim propisima obračunala i uplatila porez na dohodak i pripadajuće doprinose na naknade isplaćene volonterima i članovima stranke, te na sredstva isplaćena fizičkim licima na ime humanitarne pomoći, niti je u poslovnim knjigama i finansijskom izvještaju iskazala troškove i obaveze po ovom osnovu.

Naime, kontrolom dodatne finansijske dokumentacije utvrđeno je da je Lista za Bugojno na osnovu Odluke broj: 02-04/13 od 12.04.2013. godine isplatila jednokratnu pomoć za tri (3) fizička lica u ukupnom iznosu od 1.500,00 KM, kao i da je tokom godine, na osnovu pojedinačnih odluka, izvršila isplatu pomoći fizičkim licima za sanaciju kuća, sufinansiranja školovanja i troškova prevoza, te izdavanja knjiga u ukupnom iznosu od 3.550,00 KM.

Takođe je utvrđeno da je Lista za Bugojno na osnovu Odluke broj: 32-04/2013 od 04.12.2013. godine i nalogom za gotovinsku isplatu, izvršila isplatu naknada za tri (3) volontera u ukupnom

iznosu od 1.200,00 KM.¹ Na osnovu pojedinačnih odluka isplaćena su sredstva i članovima stranke u ukupnom iznosu od 2.800,00 KM, te naknada za rad tehničkog sekretara u iznosu od 300,00 KM.

Osim navedenog, utvrđeno je da su sa transakcijskog računa Liste za Bugojno isplaćena sredstva fizičkim licima u svrhu uplate članarine političkoj stranci Demokratska fronta u ukupnom iznosu od 240,00 KM, te da su u svrhu aktivnosti na formiranje Demokratske fronte Bugojno predsjedniku Liste za Bugojno isplaćena sredstva u iznosu od 500,00 KM.

Obzirom da sredstva isplaćena fizičkim licima imaju karakter ličnih primanja, Lista za Bugojno je imala obavezu da, u skladu sa poreskim propisima, na sva isplaćena sredstva fizičkim licima, obračuna i uplati poreze i doprinose.

(2) Uvidom u dodatnu dokumentaciju, utvrđeno je da stranka nije vodila blagajničke evidencije, odnosno nije gotovinske isplate i uplate pratila kroz dnevnik blagajne, što je suprotno računovodstvenim propisima. Imajući u vidu da je stranka u poslovnim knjigama znatan dio troškova evidentirala na osnovu gotovinskih naloga isplate sa transakcijskog računa i da nije vodila blagajničke evidencije, na osnovu raspoložive dokumentacije nije moguće utvrditi da li odluke stranke realizovane, odnosno da su sredstva i isplaćena fizičkim licima koja su navedena u pojedinačnim odlukama stranke.²

- Kontrolom izvoda sa transakcijskog računa Liste za Bugojno, odnosno kontrolom isplata utvrđeno je da je sa transakcijskog računa isplaćena gotovina u ukupnom iznosu od 13.294,50 KM. Služba za reviziju je utvrdila da su prilozi fizičkog lica uplaćeni u gotovom novcu u iznosu od 84,52 KM, odnosno da su ukupni ulazi u blagajnu iznosili 13.372,00 KM. Tokom pregleda finansijskog izvještaja nije bilo moguće precizno utvrditi početno stanje sredstava u blagajni na dan 01.01.2013. godine, promet izlaza niti saldo sredstava u blagajni na dan 31.12.2013. godine.

Naime, kontrolom dokumentacije koja se odnosi na gotovinske isplate, utvrđeno je da dokumentacija o utrošenim sredstvima (uplatnice) ne odgovara iznosu troškova koji su iskazani u poslovnim knjigama. Na osnovu Odluke broj: 35-04/2013 od 12.12.2013. godine, Lista za Bugojno je, dana 12.12.2013. godine, sa transakcijskog računa isplatila sredstva u iznosu od 251,00 KM i u poslovnim knjigama u istom iznosu evidentirala kao ostale rashode. Uvidom u pojedinačne uplatnice, utvrđeno je da su fizička lica Demokratskoj fronti uplatila sredstva na ime članarina u ukupnom iznosu od 240,00 KM, a ne 251,00 KM, koliko je stranka iskazala u svojim evidencijama³.

- Uvidom u poslovne knjige, utvrđeno je da je Lista za Bugojno promet na transakcijskom računu uvećala za 84,52 KM, odnosno za iznos priloga fizičkog lica koji je primila u gotovom novcu, što za rezultat ima pogrešno iskazane podatke o prometu ostvarenom putem transakcijskog računa u poslovnim knjigama stranke i u obrascu 2 (transakcijski računi političkih stranaka) godišnjeg finansijskog izvještaja.

Obzirom da Lista za Bugojno nije u godišnjem finansijskom izvještaju iskazala podatke o prometu i stanju sredstava u blagajni i da je pogrešno iskazala promet ostvaren putem transakcijskog računa, prekršene su odredbe člana 11. i člana 12. Pravilnika o godišnjim finansijskim izvještajima političkih stranaka.

¹ Naknade za dva volontera su isplaćene na osnovu ugovora o volontiranju broj 01-12/2013 i 02-12/2013 od 15.12.2013. godine.

² Sredstva isplaćena fizičkim licima za sanaciju kuća, sufinansiranja školovanja i troškova prevoza i izdavanja knjiga u ukupnom iznosu od 3.550,00 KM su u poslovnim knjigama evidentirana na troškovima na osnovu pojedinačnih odluka i gotovinskih naloga isplate sa transakcijskog računa (ček).

³ Devet (9) fizičkih lica je uplatilo članarinu u iznosima od 24,00 KM, dok su dva (2) fizička lica uplatila članarinu u iznosima od 12,00 KM.

5.2. PREPORUKE

Preporučuje se Listi za Bugojno da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi tačne i potpune evidencije o svojim rashodima i obavezama,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,*
- *da poslovanje gotovim novcem svede na najmanju mjeru, te da naknade isplaćuje sa transakcijskog računa na tekuće račune fizičkih lica,*
- *da uspostavi poslovanje gotovinom putem blagajne i uvede obavezu vođenja blagajničkih izvještaja na dnevnom nivou uz obavezne priloge (nalog uplate i nalog isplate; dokumenta na osnovu kojih se vrše isplate putem blagajne). Poslovanje blagajne treba urediti tako da se razgraniče dužnosti odobravanja isplate, evidentiranja i isplate gotovine uz prethodno definisanje visine blagajničkog maksimuma, i*
- *da poštuje i druge zakone, prevashodno računovodstvene i poreske.*

KOMENTAR

U ostavljenom roku, Lista za Bugojno nije dostavila primjedbe na Preliminarni izvještaj o pregledu godišnjeg finansijskog izvještaja za 2013. godinu.

šef Odsjeka za revizijske poslove, revizor

Sanja Tošović

šef Službe za reviziju

mr. sc. Hasida Gušić